

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj:7/10), na prijedlog Ministarstva za prostorno uređenje, promet i komunikacije i zaštitu okoline Zeničko-dobojskog kantona, Vlada Zeničko-dobojskog kantona, na 58. sjedinici, održanoj 09.06.2016.godine, d o n o s i

ZAKLJUČAK

I.

Utvrđuje se Prijedlog Zakona o javno-privatnom partnerstvu.

II.

Prijedlog Zakona iz tačke I ovog Zaključka upućuje se u daljnju skupštinsku proceduru po skraćenom postupku.

III.

Zaključak stupa na snagu danom donošenja.

Broj: 02-_____ /16.

Datum, 09.06.2016. godine

Z e n i c a

PREMIJER

Miralem Galijašević

DOSTAVLJENO:

1x Stručna služba Skupštine,

1x Ministarstvo za prostorno uređenje,
promet i komunikacije i zaštitu okoline,

1x a/a.

Na osnovu člana 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 7/10), a u vezi sa članom 133. stav 2. i članom 139. stav 3. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13), Vlada Zeničko-dobojskog kantona, na 9. vanrednoj sjednici, održanoj telefonskim putem, 2016. godine,
d o n o s i

ZAKLJUČAK

I.

Vlada Zeničko-dobojskog kantona utvrđuje Amandman I i II na Prijedlog Zakona o javno-privatnom partnerstvu, koji glasi:

„AMANDMAN I

U članu 32. Prijedloga Zakona o javno-privatnom partnerstvu naziv člana „Stupanje na snagu“ mijenja se i glasi „Primjena zakona na postupke koji nisu pravosnažno okončani“.

AMANDMAN II

Iza člana 33. Prijedloga Zakona o javno-privatnom partnerstvu dodaje se član 34. koji glasi:

Član 34.

(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“. „

II.

Zaključak sa obrazloženjem upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/16.

Datum, 10.06.2016. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo finansija,

1x Stručna služba Vlade,

1x Stručna služba Skupštine,

1x a/a.

OBRAZLOŽENJE

I PRAVNI OSNOV

Pravni osnov za donošenje Zaključka sadržan je u članu 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10) i članu 133. stav 2. i članu 139. stav 3. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13).

II RAZLOZI ZA DONOŠENJE

Sekretar Skupštine Zeničko-dobojskog kantona dopisom broj:01/02-11257-1/16 od 10.06.2016.godine upozorio je na uočeni nedostatak u Prijedlogu Zakona o javno-privatnom partnerstvu. Obzirom da je riječ o tehničkoj grešci predlažemo donošenje zaključka o Amandmanu I i II na Prijedlog Zakona o javno-privatnom partnerstvu.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na _____ sjednici, održanoj _____2016.godine, donosi

ZAKON O JAVNO-PRIVATNOM PARTNERSTVU

DIO PRVI – OPĆE ODREDBE

Član 1.

(Predmet Zakona)

(1) Ovim zakonom propisuju se predmet, načela i obilježja javno-privatnog partnerstva (u daljnjem tekstu: JPP), modeli JPP-a, odobravanje projekata JPP-a i postupak odabira privatnog partnera, prava i obaveze javnih i privatnih partnera, nadzor nad njihovom realizacijom te druga pitanja od značaja za javno-privatno partnerstvo iz nadležnosti Zeničko-dobojskog kantona (u daljnjem tekstu: Kanton) i jedinica lokalne samouprave (grad/općina, u daljnjem tekstu: JLS) sa područja Kantona.

(2) Na pitanja koja nisu uređena ovim Zakonom primjenjivat će se posebni zakoni zavisno od javne usluge koja je predmet javno-privatnog partnerstva.

Član 2.

(Gramatička terminologija)

Gramatička terminologija korištenja muškog i ženskog roda za pojmove u ovom zakonu, podrazumjeva oba roda.

Član 3.

(Cilj Zakona)

Cilj ovog Zakona je da postavi jasan, nediskriminatoran i učinkovit pravni okvir za provedbu JPP projekata kojim će se kroz učešće privatnog sektora unaprjeđivati standard javnih usluga iz nadležnosti Kantona i JLS sa područja Kantona, a ujedno i pospješiti uslovi za dalji ekonomski rast i razvoj na području Kantona i JLS sa područja Kantona.

Član 4.

(Osnovni pojmovi)

Pojedini pojmovi u smislu ovoga Zakona imaju sljedeća značenja:

a) *Javno-privatno partnerstvo* je dugoročan ugovorni odnos između javnog i privatnog partnera sa ciljem pružanja javnih usluga iz nadležnosti javnog partnera korištenjem upravljačkih, tehničkih, finansijskih i inovacijskih sposobnosti privatnog partnera, kao i razmjenom umijeća i znanja između javnog i privatnog partnera, u skladu sa odredbama ovog Zakona.

b) *Projekat JPP* je skup aktivnosti koji se pokreće, priprema, ugovara i provodi na način propisan ovim Zakonom.

c) *Javni partner*, koji sa privatnim partnerom sklapa ugovor o JPP, je organ uprave i upravne organizacije Kantona i jedinica lokalne samouprave sa područja Kantona, javne ustanove i javna preduzeća čiji je osnivač i većinski vlasnik Kanton ili JLS, nadležan za pružanje predmetne javne usluge.

d) *Privatni partner* je jedno ili više domaćih i/ili stranih pravno lice odabrano na osnovu provedenog postupka propisanog ovim Zakonom i koji s javnim partnerom sklapa ugovor o JPP-u

e) *Ugovor o JPP-u* je osnovni ugovor sklopljen između javnog i privatnog partnera kojim se u svrhu provedbe projekata projekata JPP-a uređuju prava i obaveze ugovornih strana.

f) *Konsultant* je jedna i/ili više fizičkih i/ili pravnih osoba koja posjeduje specijalistička znanja nužna za pripremu, ugovaranje i provedbu projekata JPP-a.

Član 5.

(Predmet javno-privatnog partnerstva)

(1) Predmet JPP-a je istraživanje, projektovanje, izgradnja, rekonstrukcija, upravljanje i održavanje javnih resursa za zadovoljavanje javnih potreba iz nadležnosti javnog partnera.

(2) Predmet JPP-a ne može biti isključivo istraživanje, građenje, isporuka robe i pružanje javne usluge, kao ni isključivo koncesija za korištenje općeg ili drugog dobra u svrhu privrednih aktivnosti.

Član 6.

(Osnovna obilježja JPP)

Osnovna obilježja JPP-a su sljedeća:

- a) privatni partner od javnog partnera može preuzeti obavezu istraživanja i projektovanja, gradnje i/ili rekonstrukcije javne infrastrukture i/ili građevine od javnog interesa, preuzimajući pri tome obaveze kao što su finansiranje, upravljanje i održavanje, a u svrhu pružanja krajnjim korisnicima javne usluge iz nadležnosti javnog partnera, ili u svrhu osiguravanja javnom partneru potrebnih preduvjeta za pružanje javnih usluga iz njegovih nadležnosti;
- b) u svrhu realizacije ugovora o JPP, javni partner prenosi na privatnog partnera pravo građenja i/ili privatnom partneru dodjeljuje koncesiju i/ili privatnom partneru plaća naknadu u novcu.
- c) Javno partner može, u skladu sa svrhom projekta JPP-a, dopustiti i obavljanje komercijalnih djelatnosti s ciljem naplate prihoda od trećih osoba na tržištu. Ako obavljanje komercijalnih djelatnosti nije ugovoreno, ono nije dopušteno.
- d) Javni partner može prenijeti pravo građenja na privatnog partnera i bez plaćanja naknade, a sva pitanja vezana uz prijenos prava građenja, uključujući i visinu naknade, javni i privatni partner uređuju ugovorom o javno-privatnom partnerstvu.
- e) svaki od partnera preuzima odgovornost za rizike kojima može efikasnije upravljati ili je odgovornost podijeljena.
- f) privatni partner od javnog partnera preuzima obvezu i rizike vezane uz financiranje i proces gradnje, te najmanje jedan od dva ključna rizika: rizik raspoloživosti javne građevine ili rizik potražnje.
- g) Ugovori o JPP ne mogu biti osnov za promjenu vlasništva na postojećim niti budućim javnim ili općim dobrima odnosno javna imovina ostaje u javnom vlasništvu i nakon isteka ugovora o JPP.

Član 7.

(Načela)

Javno-privatno partnerstvo provodi se u skladu sa načelima jednakog tretmana (jednakopravnost), transparentnosti, konkurentnosti, i ekonomičnosti.

Član 8.

(Modeli javno-privatnog partnerstva)

Javno-privatno partnerstvo se u smislu ovog zakona provodi po jednom od slijedećih modela:

- a) **osnovni model** je model gdje je pravni osnov pravo građenja i po kojem se plaćanje naknade privatnom partneru u potpunosti ili većim dijelom vrši iz budžeta na osnovu raspoloživosti javne usluge prema ugovorenim standardima.
- b) **posebni model** je model gdje je pravni osnov koncesija i po kojem se plaćanje naknade privatnom partneru u potpunosti ili većim dijelom vrši od krajnjih korisnika, na osnovu korištenja javne usluge prema ugovorenim standardima.

Član 9.

(Nadležnost za projekte JPP)

Postupak dodjele, provođenje i nadzora nad ugovorom JPP provodi javni partner iz člana 4. stav (1) tačka c) ovog zakona.

DIO DRUGI – DODJELA UGOVORA O JAVNO-PRIVATNOM PARTNERSTVU

Član 10.

(Postupak dodjele ugovora JPP-a)

Postupak dodjele ugovora JPP sastoji se iz sljedećih faza:

- a) Identifikacija projekta JPP
- b) Priprema prijedloga projekta JPP
- c) Odabir privatnog partnera
- d) Ugovaranje JPP

Član 11.

(Identifikacija projekata JPP)

- (1) Javni partner dužan je izraditi srednjoročni (trogodišnji) i godišnji plan potencijalnih projekata JPP-a na način propisan ovim Zakonom.
- (2) Srednjoročni plan navodi prioritetne javne usluge koje će se unapređivati u planskom periodu, potrebna sredstva za provođenje plana, očekivane rezultate u smislu doprinosa implementaciji strateško-planskog dokumenta, procjenu rizika i tabelarni pregled potencijalnih projekata (naziv, kratki opis projekta, svrha i cilj projekta, procjenjena vrijednost projekta, i očekivani model JPP).
- (3) Godišnji plan mora biti u skladu sa srednjoročnim planom i sadrži:
 - a. tabelarni pregled projekata JPP na kojima će se raditi u planskom periodu (naziv i kratki opis projekta, svrha i cilj projekta, procjenjena vrijednost projekta, i očekivani model JPP)
 - b. kratki opisi projekata JPP u formularu propisanom podzakonskim aktom
 - c. planirana budžetska sredstva za implementaciju plana razvrstana po aktivnostima
- (4) Godišnji plan projekata JPP priprema se, usvaja i objavljuje uporedo sa budžetom javnog tijela.
- (5) Javni partner dužan je po usvajanju planova iz stava (1) ovog člana iste objaviti na svojoj web-stranici i dostaviti Ministarstvu za privredu, nadležnom za provođenje upravnog nadzora.

- (6) Identifikacija potencijalnih projekata JPP vrši se u skladu sa strateško-planskim dokumentom javnog partnera i kriterijima iz podzakonskog akta.
- (7) Vlada Kantona će donijeti Uredbu kojom će bliže urediti sadržaj formulara na kome se podnosi kratak opis projekta JPP, postupak i kriterije za izbor radnog tijela i konsultanta, minimalni sadržaj studije opravdanosti, dodatni sadržaj ugovora o JPP, način registracije ugovora o JPP-u i dr.pitanja koja se odnose na primjenu ovog Zakona.

Član 12.

(Priprema prijedloga projekta JPP)

- (1) Priprema prijedloga projekta JPP obuhvata:
 - a) Uspostavljanje radnog tijela;
 - b) Izrada dinamičkog plana rada;
 - c) Opis projekta;
 - d) Priprema idejnog rješenja i/ili idejnog projekta, zavisno od složenosti projekta;
 - e) Priprema studije opravdanosti;
 - f) Donošenje konačne odluke o projektu (prihvatanje ili odbijanje).
- (2) Javni partner podnosi prijedlog projekta (opis projekta i studiju opravdanosti) nadležnom tijelu za donošenje Odluku o opredjeljenosti za uspostavljanje JPP.
- (3) Javni partner dostavlja Odluku o opredjeljenosti za uspostavljanje JPP Ministarstvu za privredu u roku od sedam dana od dana donošenja.

Član 13.

(Radno tijelo za pripremu prijedloga projekta JPP)

- (1) Javni partner za svaki projekat JPP formira radno tijelo za pripremu projekta JPP i provođenje postupka dodjele ugovora JPP.
- (2) Radno tijelo iz stava (1) ovog člana za projekte JPP iz nadležnosti Kantona imenuje Vlada Kantona, a za projekte JPP iz nadležnosti JLS imenuje gradonačelnik odnosno načelnik JLS.
- (3) Javni partner u radno tijelo može imenovati konsultanta iz člana 4. stav (1) tačka f) ovog zakona.
- (4) Postupak i kriterije za izbor članova radnog tijela i konsultanata, njihova prava i obaveze, sadržani su u Uredbi iz člana 11. stav (7), koju donosi Vlada Kantona.

Član 14.

(Dinamički plan rada)

Radno tijelo priprema dinamički plan za pripremu prijedloga projekta JPP prema obrascu čiji je sadržaj i forma propisan Uredbom iz člana 11. stav (7).

Član 15.

(Opis projekta)

Radno tijelo priprema opis projekta JPP prema obrascu čiji je sadržaj i forma propisan Uredbom iz člana 11. stav (7).

Član 16.

(Idejno rješenje i/ili idejni projekat)

Idejno rješenje i idejni projekat se pripremaju u skladu sa zakonom.

Član 17.
(Studija opravdanosti)

- (1) Javni partner priprema studiju opravdanosti čiji je minimalni sadržaj propisan Uredbom iz člana 11. stav (7).
- (2) Javni partner priprema studiju opravdanosti samostalno ili uz pomoć konsultanta, u zavisnosti od raspoloživih kapaciteta javnog partnera.
- (3) Izbor konsultanta javni partner vrši na osnovu javnog poziva.
- (4) Kriteriji i postupak za izbor konsultanta propisani su Uredbom iz člana 11. stav (7).

Član 18.
(Učešće privatnog sektora u pripremi prijedloga projekta)

- (1) Po objavljivanju srednjoročnog i godišnjeg plana projekata JPP, javni partner može na pismeni zahtjev zainteresovanog privatnog partnera odobriti da privatni partner pripremi dio prijedloga određenog projekta JPP (idejni projekat i studiju opravdanosti) na način propisan ovim zakonom i Uredbom iz člana 11. stav (7).
- (2) Ukoliko nakon provedenog javnog postupka odabira privatnog partnera, zainteresovani privatni partner iz stava (1) ovog člana ne bude izabran, ima pravo na povrat uložениh sredstava od strane odabranog privatnog partnera na ime otkupa projektne dokumentacije.
- (3) Uzajamna prava i obaveze, kao i cijena projektne dokumentacije iz stava (1) i (2) ovog člana, regulišu se ugovorom između javnog partnera i zainteresovanog privatnog partnera.
- (4) U slučaju da interes za pripremom određenog projektnog prijedloga iskaže više privatnih partnera, prednost za sklapanje ugovora iz stava (3) ovog člana biti će data privatnom partneru koji prvi podnese zahtjev iz stava (1) ovog člana.

Član 19.
(Odabir privatnog partnera)

- (1) Javni partner donosi Odluku o izboru privatnog partnera na osnovu javnog poziva.
- (2) Kriteriji i postupak izbora privatnog partnera propisani su Uredbom iz člana 11. stav (7).
- (3) Javni partner dostavlja Odluku o izboru privatnog partnera Ministarstvu za privredu Kantona najkasnije sedam (7) dana od dana donošenja.

Član 20.
(Ugovoranje JPP)

- (1) Javni partner po potrebi, zavisno od vrste projekta, dopunjava sastav radnog tijela iz člana 13., stav (1) resursima neophodnim za provođenje postupka ugovaranja JPP.
- (2) Postupak ugovaranja JPP sa izabranim privatnim partnerom vrši se u tri faze:
 - a) priprema nacrtu ugovora JPP
 - b) pregovaranje o elementima iz nacrtu ugovora o JPP
 - c) sklapanje ugovora o JPP

Član 21.
(Nacrt ugovora o JPP)

- (1) Nacrt ugovora o JPP radno tijelo priprema na osnovu prijedloga projekta JPP iz člana 12. ovog zakona.
- (2) Nacrt ugovora o JPP obavezno sadrži sljedeće elemente:

- a) Uvod,
 - b) Ugovorne strane,
 - c) Definicija pojmova,
 - d) Svrha i predmet ugovora odnosno postavljeni standard javne usluge,
 - e) Vrijeme na koje je ugovor sklopljen,
 - f) Imovinske obaveze i prava ugovornih strana,
 - g) Podjela rizika i pripadajućih troškova između ugovornih strana,
 - h) Finansiranje projekta,
 - i) Plaćanje ugovornih strana,
 - j) Finansijske garancije za izvršenje ugovora,
 - k) Finansijske garancije za izvršenje obaveza podugovarača,
 - l) Događaji koji mogu prouzrokovati štetu i način postupanja ugovornih strana u slučaju njihovog nastanka, uključujući i višu silu,
 - m) Zatezne kamate,
 - n) Police osiguranja,
 - o) Posljedica neispunjenja ugovornih obaveza,
 - p) Pravo nadzora od strane javnog partnera,
 - r) Naknadna nemogućnost neispunjenja ugovora,
 - s) Postupak i uslovi preuzimanja građevine ako ugovor o JPP obuhvata izgradnju građevina,
 - t) Prestanak ugovora,
 - u) Raskid ugovora i posljedice raskida ugovora,
 - v) Zaštita okoliša,
 - z) Način slanja obavijesti tokom ugovornog perioda,
 - aa) Zaštita intelektualnog vlasništva, poslovna tajna i tajnost podataka,
 - ab) Podugovaranje,
 - ac) Rješavanje sporova proizašlih iz ugovora,
 - ad) Salvatorna odredba,
 - ae) Stupanje ugovora na snagu,
 - af) Druga prava, obaveze i odgovornosti ugovornih strana.
- (3) Dodatni sadržaj ugovora o JPP propisan je Uredbom iz člana 11. stav (7).
- (4) Na sva pitanja koja nisu regulisana u stavu (2) ovog člana primjenjuju se odredbe Zakona o obligacionim odnosima.

Član 22.

(Pregovaranje o elementima nacrtu ugovora o JPP)

- (1) Javni partner je u roku od 15 dana od dana donošenja pravosnažne Odluke o izboru privatnog partnera obavezan dostaviti nacrt ugovora o JPP izabranom privatnom partneru.
- (2) Privatni partner je dužan u roku od 30 dana od dana prijema nacrtu ugovora o JPP pismeno se izjasniti o dostavljenom nacrtu ugovora o JPP.
- (3) Ugovorne strane mogu, u zavisnosti od sadržaja odgovora privatnog partnera, nastaviti pregovaranje do konačnog usaglašavanja volje objiju strana.
- (4) Postupak pregovaranja iz stava (3) ovog člana ne može trajati duže od 60 dana od dana prijema.
- (5) U slučaju neuspješnog postupka pregovaranja sa izabranim privatnim partnerom, javni partner dostavlja nacrt ugovora o JPP iz člana 21. sljedeće rangiranom privatnom partneru.

Član 23.

(Sklapanje ugovora o JPP-u)

- (1) Konačni tekst ugovora o JPP javni partner dostavlja na mišljenje nadležnom Pravobranilaštvu.

- (2) Javni partner dužan je registrovati ugovor o JPP u roku od tri (3) dana od dana potpisivanja na način propisan Uredbom iz člana 11. stav (7).

DIO TREĆI – PROVOĐENJE ZAKONA

Član 24.

(Poslovi na provođenju Zakona)

Ministarstvo za privredu, zaduženo za provođenje ovog Zakona, vrši sljedeće poslove:

- a) priprema i podnosi Vladi godišnji plan aktivnosti za provedbu Zakona,
- b) priprema i podnosi godišnje izvještaje o provedbi Zakona,
- c) ustrojava i vodi Registar,
- d) priprema i daje stručna mišljenja o pojedinim pitanjima iz ovoga Zakona i propisa donesenih na osnovu ovog Zakona,
- e) daje mišljenje o osnovanosti inicijativa za izmjene i dopune ovoga Zakona i drugih propisa o javno- privatnom partnerstvu,
- f) u saradnji s drugim nadležnim tijelima organizira specijalističke programe edukacije za javna tijela i druge učesnike,
- g) saraduje s naučnim i istraživačkim institucijama, socijalnim partnerima, privrednim i nevladinim udruženjima i drugim zainteresiranim stranama u svrhu unapređivanja primjene Zakona,
- h) promovira i izučava primjenu najbolje prakse JPP-a, te u svom domenu saraduje s inozemnim nacionalnim tijelima i međunarodnim organizacijama i institucijama ovlaštenim za JPP,
- i) obavlja i druge poslove u skladu sa odredbama ovog Zakona.

Član 25.

(Sredstva za provođenje Zakona)

Sredstva za provođenje poslova iz člana 21. osiguravaju se u budžetu Kantona na posebnoj budžetskoj poziciji u okviru Ministarstva za privredu u skladu sa planom budžeta za tekuću godinu.

DIO ČETVRTI - PRAVNA ZAŠTITA

Član 26.

(Pravna zaštita u postupku izbora privatnog partnera)

- (1) Na odluku o izboru privatnog partnera može se izjaviti žalba u roku od 15 dana od dana prijema odluke.
- (2) Žalba se izjavljuje Ministarstvu za privredu za projekte JPP iz nadležnosti JLS, a za projekte JPP iz nadležnosti kantona drugostepenoj komisiji Vlade.
- (3) Žalbeni postupak provodi se u skladu sa Zakonom o upravnom postupku.

Član 27.

(Spor o nadležnosti)

U slučaju sukoba nadležnosti vezano za projekte JPP-a između javnih tijela, primjenjivat će se odredbe Zakona o upravnom postupku.

DIO PETI - KAZNE NE ODREDBE

Član 28.

(Pokretanje prekršajnog postupka)

Ako Ministarstvo za privredu Kantona i/ili drugo nadležno javno tijelo utvrdi da je došlo do povrede odredbi ovog Zakona od strane javnog ili privatnog partnera, podnosi sudu nadležnom za prekršaje prijedlog za pokretanje prekršajnog postupka.

Član 29.

(Novčane kazne)

- (1) Novčanom kaznom od 5.000,00 do 15.000,00 konvertibilnih maraka (KM) kaznit će se za prekršaj javni partner ako:
 - a) ne provodi postupak pripreme i ugovaranja JPP projekta na način propisan članovima 10.-23. ovog Zakona i Uredbom iz člana 11. stav (7);
 - b) ne dostavi ili ne dostavi u propisanom roku ili na propisani način dokumente iz člana 11. stav (4), člana 12. stav (3), člana 19. stav (3), člana 22. stav (1) i člana 23. stav (2).
- (2) Novčanom kaznom od 5.000,00 do 15.000,00 konvertibilnih maraka (KM) kaznit će se za prekršaj privatni partner ako ne dostavi ili ne dostavi u propisanom roku ili na propisani način dokument iz člana 22. stav (2).
- (3) Novčanom kaznom od 1.000,00 do 3.000,00 KM kaznit će se odgovorna osoba javnog odnosno privatnog partnera za prekršaje iz stava (1) i stava (2) ovog člana.

Član 30.

(Antikorupcija)

Postupci javnog odnosno privatnog partnera za vrijeme pripreme, ugovaranja i/ili implementacije JPP projekta, a koji imaju obilježja krivične odgovornosti, a naročito zloupotreba položaja te primanje i davanje mita, istraživati će se i procesuirati u skladu sa zakonom.

DIO ŠESTI - PRELAZNE I ZAVRŠNE ODREDBE

Član 31.

(Donošenje podzakonskih i drugih pravnih akata)

- (1) Vlada i Skupština Kantona će, na prijedlog Ministarstva za privredu, najkasnije u roku od 30 dana od dana stupanja na snagu ovog Zakona, donijeti odluke koje će omogućiti funkcionisanje Ministarstva za privredu u skladu sa odredbama člana 25. ovog Zakona.
- (2) Vlada će, na prijedlog Ministarstva za privredu, najkasnije u roku od 30 dana od dana donošenja odluka iz stava (1) ovog člana odnosno 90 dana od dana stupanja na snagu ovog Zakona, donijeti Uredbu iz člana 11. stav (7) Zakona o javno-privatnom partnerstvu Zeničko-dobojskog kantona.
- (3) Sva javna tijela sa područja Kantona odnosno organi uprave i upravne organizacije Kantona i JLS sa područja Kantona, javne ustanove i javna preduzeća čiji je osnivač i većinski vlasnik Kanton ili JLS, dužna su u roku od 60 dana od dana donošenja Uredbe iz stava (2) ovog člana postaviti u skladu sa odredbama člana 11. ovog Zakona.
- (4) Odredba iz stava (3) ovog člana obavezujuća je i za javna tijela koja ne planiraju pokretati projekte JPP u naredne tri godine.
- (5) Pravilnik o ustrojstvu i vođenju registra iz člana 24. ovog Zakona donijet će Ministarstvo u roku od 30 dana od dana stupanja na snagu ovog Zakona.

Član 32.

(Stupanje na snagu)

Svi postupci koji do dana stupanja na snagu ovog zakona nisu pravosnažno okončani, završit će se po odredbama zakona koji je bio na snazi u vrijeme pokretanja postupka.

Član 33.

(Prestanak primjene)

Danom stupanja na snagu ovog Zakona, stavlja se van snage Zakon o javno-privatnom partnerstvu („Službene novine Zeničko-dobojskog kantona broj 5/13).

Broj: _____

Datum,

Zenica

PREDSJEDAVAJUĆA SKUPŠTINE

Draženka Subašić

O b r a z l o ž e n j e

Prijedloga Zakona o javno-privatnom partnerstvu

I USTAVNI OSNOV

Ustavni osnov za donošenje Zakona o javno-privatnom partnerstvu u Zeničko-dobojskom kantonu sadržan je u odredbi člana 37. stav 1. tačka f) Ustava Zeničko-dobojskog kantona prema kojim je utvrđeno da Skupština Kantona donosi zakone i ostale propise neophodne za izvršavanje nadležnosti Kantona.

II RAZLOZI DONOŠENJA

U Programu rada Skupštine Zeničko-dobojskog kantona za 2016.godinu planirano je donošenje Zakona o javno- privatnom partnerstvu.

Oblast javno-privatnog partnerstva sada je regulisana Zakonom o javno-privatnom partnerstvu (*„Službene novine Zeničko-dobojskog kantona“*, broj:5/13).

Razlozi zbog kojih je odlučeno da se pristupi donošenju novog Zakona o javno-privatnom partnerstvu (u daljem tekstu: Zakon o JPP-u) su u prvom redu potrebe da se Zakon uskladi sa novim Zakonom o privrednim društvima i Zakonom o javnim nabavkama (*„Službeni glasnik BiH“*, broj:39/14) kao i usklađivanje sa domaćim i evropskim zakonskim okvirima, naročito sa Zakonom o principima lokalne samouprave (*„Službene novine F BiH“*, broj:49/06, 51/09), Evropskom poveljom o lokalnoj samoupravi (Vijeće Evrope, 1985.), te Zelenom knjigom Evropske Unije o javno-privatnom partnerstvu (evropska Unija COM/2004/0327) u pogledu nadležnosti između općina i Kantona.

Vlada Zeničko-dobojskog kantona prihvatila je podršku USAID/Sida GOLD kroz Projekat unapređenja lokalnog razvoja, kojim se javno-privatno partnerstvo prezentira kao jedan od modela za poboljšanje ekonomskog stanja. U tom smislu Vlada Kantona dala je podršku inicijativi proizišloj iz pomenutog projekta, o potrebi donošenja izmjena i dopuna Zakona o JPP i ovlastila Komisiju za Javno-privatno partnerstvo da uz podršku USAID/Sida GOLD projekta provede potrebne aktivnosti.

Obzirom da Komisiju za javno-privatno partnerstvo čine predstavnici Ministarstva za privredu, Ministarstva za prostorno uređenje, promet i komunikacije i zaštitu okoline i Ministarstva finansija tokom rada Komisije vršene su stalne konsultacije i horizontalna koordinacija između ministarstava iz kojih su članovi Komisije.

Donošenje izmijenjenog Zakona o JPP-u ujedno predstavlja realizaciju opredjeljenja Vlade za stvaranje ambijenta koji će dovesti do poboljšanja ekonomskog stanja koja proizilaze iz Akcionog plana F BiH za provođenje Reformske agende.

III USKLAĐENOST SA PROPISIMA EVROPSKE UNIJE

Prilikom izrade Zakona o JPP-u obrađivač je imao u vidu potrebu usklađivanja zakona sa propisima Evropske unije. U tom smislu Zakon je usklađen sa evropskim zakonskim okvirima proizišlim iz Evropske povelje o lokalnoj samoupravi (Vijeće Evrope, 1985.), Zelene knjige

Evropske unije o javno-privatnom partnerstvu, Evropske direktive o javnim nabavkama, Evropske direktive o ugovorima kao i sa evropskom dobrom praksom u primjeni modela javno-privatnog partnerstva.

IV PRAVNA RJEŠENJA

Kako je već navedeno, jedan od razloga za pristupanje izradi novog Zakona o JPP-u je potreba usklađivanja Zakona o JPP-u sa odredbama novog Zakona o javnim nabavkama u kojem je u odredbama člana 10. propisano da su ugovori o javno-privatnom partnerstvu izuzeti od primjene odredaba Zakona o javnim nabavkama i da se dodjeljuju u skladu sa zakonskim propisima o javno-privatnom partnerstvu.

Također i stupanjem na snagu novog Zakona o privrednim društvima ukazala se potreba da se u Zakonu o JPP-u odredbe koje propisuju da se kao jedan od modela javno-privatnog partnerstva može organizovati „društvo posebne namjene –DPN“ brišu, iz razloga što takav oblik privrednog društva nije propisan u Zakonu o privrednim društvima.

Zakon o JPP-u trebalo je uskladiti i sa Zakonom o principima lokalne samouprave u dijelu koji propisuje podjelu nadležnosti između općina i Kantona.

Zbog navedenog pristupilo se donošenju novog Zakona o JPP-u na slijedeći način:

Član 1.-9. DIO PRVI – OPĆE ODREDBE

U članu 1. definiše se predmet, načela i obilježja javno-privatnog partnerstva, modeli JPP-a, odobravanje projekata JPP-a i postupak odabira privatnog partnera, prava i obaveze javnih i privatnih partnera, nadzor nad njihovom realizacijom te druga pitanja od značaja za javno-privatno partnerstvo iz nadležnosti Zeničko-dobojskog kantona i jedinica lokalne samouprave sa područja Kantona.

U članu 2. utvrđuje se gramatička terminologija korištenja muškog i ženskog roka.

U članu 3. utvrđuje se da je cilj zakona da se utvrdi jasan i učinkovit pravni okvir za provedbu JPP projekata.

U članu 4. date su definicije pojmova korištenih u zakonu (javno-privatno-partnerstvo, projekat JPP, javni partner i sl.)

U članu 5. utvrđen je predmet javno-privatnog partnerstva, a to je projektovanje, izgradnja, rekonstrukcija, upravljanje i održavanje javnih resursa za zadovoljavanje javnih potreba iz ndležnosti javnog partnera.

U članu 6. navedena su osnovna obilježja JPP.

U članu 7. utvrđena su načela na kojima se javno-privatno partnerstvo provodi, a to su jednakopravnost, transparentnost, konkurentnost i ekonomičnost.

U članu 8. utvrđeni su modeli javno-privatnog partnerstva (osnovni model i posebni model).

U članu 9. propisana je nadležnost za projekte JPP.

Član 10.-23. DIO DRUGI – DODJELA UGOVORA O JAVNO-PRIVATNOM PARTNERSTVU

Članom 10. propisane su faze dodjele ugovora o JPP (identifikacija projekta, priprema prijedloga projekta JPP, odabir privatnog partnera i ugovaranje JPP).

Članom 11. detaljno je obrazložena faza identifikacije projekata JPP-a te uputa na podzakonski akt/akta koji će dodatno pojasniti niz postupaka navedenih u Zakonu.

Članom 12. detaljno je obrazložena faza pripreme prijedloga projekta JPP, koja obuhvata uspostavljanje radnog tijela, izradu dinamičkog plana rada, opis projekta, pripremu idejnog rješenja i/ili idejnog projekta zavisno od složenosti projekta i pripremu studije opravdanosti.

Članom 13. propisana je obaveza formiranja radnog tijela za pripremu projekata JPP, zatim tko imenuje radno tijelo, mogućnost imenovanja konsultanta u radno tijelo kao i postupak i kriteriji za izbor članova radnog tijela i konsultanta, a što će biti dodatno elaborirano u podzakonskim aktom/aktima iz člana 11. stav (7)

Članom 14. propisano je da radno tijelo priprema dinamički plan za pripremu prijedloga projekata JPP.

Članom 15. propisano je da radno tijelo priprema opis projekta JPP prema obrascu čiji je sadržaj i forma propisan podzakonskim aktom/aktima iz člana 11. stav (7).

Članom 16. propisano je da se Idejno rješenje i idejni projekat pripremaju u skladu sa zakonom.

Članom 17. propisuje se da javni partner priprema studiju opravdanosti te na koji način.

Članom 18. propisuje se učešće privatnog sektora u pripremi prijedloga projekta na način da po objavljivanju srednjoročnog i godišnjeg plana projekata JPP, javni partner može na zahtjev zainteresovanog privatnog partnera odobriti da privatni partner pripremi dio prijedloga određenog projekta JPP (idejni projekat i studiju opravdanosti) na način propisan ovim zakonom i podzakonskim aktom/aktima iz člana 11. stav (7).

Članom 19. propisano je da javni partner donosi odluku o izboru privatnog partnera na osnovu javnog poziva u skladu sa kriterijima i postupkom izbora propisanim podzakonskim aktom/aktima iz člana 11. stav (7).

Članom 20. propisane su faze postupka ugovora JPP sa izabranim privatnim partnerom.

Članom 21. propisana je priprema Nacrta ugovora i elementi koje Nacrt ugovora obavezno sadrži.

Članom 22. propisana je mogućnost pregovaranja o elementima nacrta ugovora o JPP do konačnog usaglašavanja obiju strana, ali ne u roku dužem od 60 dana. Ovim članom propisan je postupak u slučaju neuspješnog pregovaranja sa izabranim partnerom kao i razlog za poništenje postupka.

Članom 23. propisano je sklapanje ugovora o JPP kojem predhodi mišljenje nadležnog Pravobranilaštva te dužnost registrovanja ugovora o JPP.

Član 24.-25. DIO TREĆI – PROVOĐENJE ZAKONA

Član 24. propisuje poslove Ministarstva za privredu na provođenju zakona.

Član 25. propisuje način osiguranja sredstava za provođenje zakona.

Član 26.-27. DIO ČETVRTI – PRAVNA ZAŠTITA

Članom 26. propisana je pravna zaštita u postupku izbora privatnog partnera na način da se na odluku o izboru privatnog partnera može izjaviti žalba u roku od 15 dana od dana prijema odluke kao i organ kojem se izjavljuje žalba.

Članom 27. propisan je način rješavanja spora u slučaju sukoba nadležnosti.

Član 28.-30. DIO PETI –KAZNENE ODREDBE

Utvrđuju se sankcije za počinjena kaznena djela za javne i privatne partnere. Predložene novčane kazne usklađene su sa odredbama Zakona o prekršajima Federacije Bosne i Hercegovine („Službene novine F BiH“, broj:63/14).

Član 31.-33. DIO ŠESTI –PRELAZNE I ZAVRŠNE ODREDBE

Ovim odredbama propisani su rokovi za donošenje podzakonskih pravnih akata, stupanje na snagu Zakona i prestanak primjene ranijih propisa.

V POSTUPAK DONOŠENJA

Zakon o JPP-u („*Službene novine Zeničko-dobojskog kantona*“, broj:5/13) donijet je u redovnoj proceduri nakon provedene javne rasprave u svim općinama Kantona.

Prije pristupanja izradi izmjenjenog Zakona o JPP-u provedena je anketa u svim općinama Kantona o potrebi i obimu izmjena.

U okviru projekta unapređenja lokalnog razvoja (GOLD) –Program pomoći od američkog i švedskog naroda kojeg je vodio USAID/Sida GOLD projekt provedene su analize vezane za primjenu Zakona o JPP na lokalnom nivou.

Na prezentaciji o javno-privatnom partnerstvu održanoj 27.08.2015.godine USAID/Sida GOLD projekt upoznao je Vladu Zeničko-dobojskog kantona sa analizom stanja o primjeni postojećeg Zakona o JPP u Bosni i Hercegovini i Zeničko-dobojskom kantonu, kao i o rezultatima ankete koju je GOLD proveo za svoje potrebe u periodu januar-juni 2014.godine u 47 partnerskih općina od kojih su tri iz Zeničko-dobojskog kantona (Visoko, Tešanj i Zenica) vezanih za primjenu usvojenih zakona i sugestije za unapređenje postojećeg stanja.

Komisija za javno-privatno partnerstvo obraćala se svim ministarstvima i općinama Zeničko-dobojskog kantona pozivom za saradnju i konsultacije u izradi podzakonskih akata JPP, nakon čega je općinski Načelnik Tešanj Ministarstvu za privredu dostavio Inicijativu o izmjeni Zakona o javno-privatnom partnerstvu.

Zbog navedenog, a imajući u vidu da obim i složenost izmjena Zakona ne iziskuju izradu Nacrta zakona, predlažemo da se Zakon pretrese po skraćenom postupku, bez Nacrta zakona. Zbog lakše primjene, umjesto Zakona o izmjenama i dopunama Zakona utvrđen je i predložen novi Zakon o JPP-u.

VI EKONOMSKI EFEKTI

Za provođenje ovog Zakona potrebno je obezbjediti sredstva u budžetu Zeničko-dobojskog kantona na posebnoj budžetskoj poziciji u okviru Ministarstva za privredu u skladu sa planom budžeta za tekuću godinu, a koja se odnose na funkcionisanje Ministarstva za privredu u skladu sa članovima 24 i 25 Zakona.

Nadalje, sredstva za pripremu prijedloga projekata JPP, odabir privatnog partnera i nadzor nad provedbom ugovora o JPP, potrebno je planirati u budžetu Zeničko-dobojskog kantona na posebnim budžetskim pozicijama u okviru organa uprave koji identifikuje projekte JPP u skladu sa članom 11, i u skladu sa planom budžeta za tekuću godinu.

MINISTAR

Fahrudin Brkić



Broj: 01/02-02-11257-1/16
Zenica, 24.06.2016. godine

ZENIČKO-DOBOJSKI KANTON
Vlada Kantona
Stručna služba Vlade
n/r sekretara

PREDMET: Amandmani od 1. do 8. poslanika Samira Lemeša na Prijedlog Zakona o javno-privatnom partnerstvu – dostavljaju se

U prilogu ovog dopisa, dostavljamo Vam amandmane od 1. do 8. poslanika Samira Lemeša na Prijedlog Zakona o javno-privatnom partnerstvu a radi izjašnjenja Vlade Kantona o istim, u skladu sa odredbama članova 138. i 139. Poslovnika Skupštine Zeničko-dobojskog kantona -Novi Prečišćeni tekst («Službene novine Zeničko-dobojskog kantona», broj: 7/12 i 12/13).

Molimo vas da nam izjašnjenje Vlade Kantona po navedenim amandmanima dostavite prije početka održavanja 29. sjednice Skupštine zakazane za dan 28.06.2016. godine u 11,00 sati, kako bi iste mogli blagovremeno iskopirati i podijeliti svim poslanicima Skupštine, prije početka navedne sjednice.

S poštovanjem,

PRILOZI: Kao u dopisu

Dostavljeno:

- 1 x Naslovu,
- 1 x Ministarstvo za prostorno uređenje, promet i komunikacije i zaštitu okoline,
- 1 x Svim poslanicima Skupštine/05-03
- 1 x Svim članovima Zakonodavno-pravne komisije/04-01
- 1 x 02,
- 1 x 05-01,
- 1 x U spis predmeta 29. sjednice Skupštine/05-03

SEKRETAR

Ibrahim Avdagić



02/24.06/16 h

Svi Pretraživanje

Pretraživanje pošte Pretraži web



Sastavi

Arhiviraj Premjesti Izbrisi Nečijna pošta

Hvala vam na doprinosu poboljšanju sučelja servisa Yahoo

Saznajte više o povratnim informacijama.

Ulazni pretin... (1)

Amandmani na Prijedlog Zakona o javno-privatn...

Samir Lemes <slemes@gmail.com> Danas u 9:16

Prima Drazenka Subasic, Ibrahim Avdagic

Poštovani,

Na osnovu člana 133 Poslovnika Skupštine ZDK (Sl. novine ZDK 3/12) podnosim amandmane na Prijedlog Zakona o javno-privatnom partnerstvu (u prilogu).

s poštovanjem,
Samir Lemeš



Amandma..pdf

SKUPŠTINA ZENIČKO - DOBOJSKOG KANTONA			
Primijeno: 24. 06. 2016.			
Org. jed.	Broj	Prilog	Vrijednost
01-	02-	11257-	1/16

Hvala vam na doprinosu poboljšanju sučelja servisa Yahoo

Saznajte više o povratnim informacijama.

Odgovori Odgovori svima Proslijedi Još

Kliknite da biste Odgovori, odgovori svima ili proslijedi

Pošalji T B I [Rich Text Editor Icons]

Samir Lemeš
Demokratska fronta

Predsjedavajućoj Skupštine ZDK
Sekretaru Skupštine ZDK

Na osnovu člana 133 Poslovnika Skupštine ZDK (Sl. novine ZDK 3/12) podnosim sljedeće amandmane na Prijedlog Zakona o javno-privatnom partnerstvu:

AMANDMAN 1

Na kraju člana 4 dodaju se sljedeće definicije:

g) Rizik raspoloživosti javne građevine je preuzeti rizik držanja javne građevine u stanju funkcionalnosti u skladu s ugovorenim standardima usluga

h) Rizik potražnje je preuzeti rizik ostvarivanja prihoda od krajnjeg korisnika usluge

AMANDMAN 2

Stav e) člana 6 mijenja se i glasi:

e) svaki od partnera preuzima odgovornost za rizike kojima može efikasnije upravljati ili je odgovornost podijeljena, što se mora precizno definisati Ugovorom o JPP-u.

AMANDMAN 3

Član 7 mijenja se i glasi:

Javno-privatno partnerstvo provodi se u skladu sa načelima zaštite javnog interesa, jednakog tretmana (jednakopravnost), transparentnosti, konkurentnosti, i ekonomičnosti

AMANDMAN 4

Član 9 mijenja se i glasi:

(1) Postupak dodjele, provođenje i nadzora nad ugovorom JPP provodi javni partner iz člana 4. stav (1) tačka c) ovog zakona.

(2) Izvještaj o nadzoru nad provođenjem ugovora o JPP, za prethodnu kalendarsku godinu, javni partner dostavlja Ministarstvu za privredu, za potrebe vođenja Registra i pripreme godišnjih izvještaja o provedbi Zakona, najkasnije do 30. marta.

AMANDMAN 5

Stav (3) člana 13 mijenja se i glasi:

(3) Javni partner u radno tijelo može imenovati konsultanta iz člana 4. stav (1) tačka f) ovog zakona, koji ne smije biti u sukobu interesa u odnosu na privatnog partnera.

AMANDMAN 6

Član 23 mijenja se i glasi:

(1) Konačni tekst ugovora o JPP i svakog naknadno potpisanog aneksa ugovora javni partner dostavlja na mišljenje nadležnom Pravobranilaštvu.

(2) Javni partner dužan je registrovati ugovor o JPP i svaki aneks na ugovor u roku od tri (3) dana od dana potpisivanja na način propisan Uredbom iz člana 11. stav (7).

AMANDMAN 7

Stav c) člana 24 mijenja se i glasi:

c) ustrojava i vodi javni Registar, i obezbjeđuje da Registar bude javno dostupan,

AMANDMAN 8

Stav (1) alineja b) člana 29 mijenja se i glasi:

b) ne dostavi ili ne dostavi u propisanom roku ili na propisani način dokumente iz člana 9. stav (2), člana 11. stav (4), člana 12. stav (3), člana 19. stav (3), člana 22. stav (1) i člana 23. stav (2).

Obrazloženje:

Definicije iz Amandmana 1 objašnjavaju pojmove iz člana 6 Zakona.

Amandman 2 uvodi obavezu definisanja podjele rizika u ugovoru o JPP, jer su odredbe stavova e) i f) člana 6 ostavile previše slobodnog prostora za prebacivanje rizika na javnog partnera. Svaki rizik se mora unaprijed definisati, kako bi se obezbjedilo provođenje načela zaštite javnog interesa.

Amandmanom 3 uvodi se i načelo zaštite javnog interesa, kao obavezujuće. Bilo kakav ugovor o JPP se mora sklapati isključivo s ciljem zadovoljavanja javnih potreba.

Amandman 4 preciznije definiše obavezu nadzora nad provođenjem ugovora o JPP, kako bi se na vrijeme mogla uočiti odstupanja od ugovora i neprovođenje odredbi, te kako bi javni partner mogao na vrijeme reagovati.

Amandman 5 uvodi obavezu izbjegavanja sukoba interesa, koja može biti definisana Uredbom ili drugim zakonima, ali na ovaj način se obezbjeđuje nepristrasnost i objektivnost konsultanta, kako bi se izbjegle situacije da konsultant za interes privatnog partnera utječe na odredbe ugovora koje bi mogle biti štetne po javni interes.

Amandman 6 eliminiše mogućnost manipulacije naknadnim izmjenama ugovora aneksima, na način da se svaki aneks tretira jednako kao i osnovni ugovor.

Amandmanom 7 obezbjeđuje se primjena načela transparentnosti iz člana 7 Zakona.

Amandmanom 8 propisuje se sankcija za nedostavljanje izvještaja o nadzoru za potrebe Registra.

Za sprovođenje ovih amandmana nisu potrebna finansijska sredstva.

Zenica, 24.6.2016

Poslanik u Skupštini ZDK
Samir Lemeš



Broj: 01/02-02-11257-3/16
Zenica, 25.06.2016. godine

ZENIČKO-DOBOJSKI KANTON
Vlada Kantona
Stručna služba Vlade
n/r sekretara

PREDMET: Amandmani 1. i 2. poslanika Muniba Husejnagića na Prijedlog Zakona o javno-privatnom partnerstvu – dostavljaju se

U prilogu ovog dopisa, dostavljam Vam amandmane 1. i 2. poslanika Muniba Husejnagića na Prijedlog Zakona o javno-privatnom partnerstvu, a radi izjašnjenja Vlade Kantona o istim, u skladu sa odredbama članova 138. i 139. Poslovnika Skupštine Zeničko-dobojskog kantona -Novi Prečišćeni tekst («Službene novine Zeničko-dobojskog kantona», broj: 7/12 i 12/13).

Napominjem da su navedeni amandmani zaprimljeni na e-mail adresu sekretara Skupštine u petak, dana 24.06.2016. godine, (poslije radnog vremena), u večernjim satima u 19.37 sati (7.37 poslijepodne), (što se vidi iz priloženog e-mail-a), tako da je iste sekretar vidio sutradan u subotu, kod kuće, te odmah nakon toga iste pripremio za slanje u elektronskoj formi Vladi Kantona, resornom ministarstvu, svim poslanicima Skupštine i Zakonodavno-pravnoj komisiji Skupštine.

Navedeni amandmani su blagovremeni shodno odredbi člana 134. stav 3. Poslovnika Skupštine jer je rok za podnošenje istih najkasnije tri dana prije dana određenog za održavanje sjednice na kojoj će se pretresati prijedlog zakona, što je u konkretnom slučaju do 25.06./subota/2016. godine do 11,00 sati.

Napominjem da se amandman 1. imenovanog poslanika odnosi na član 6. tačka e) Prijedloga Zakona o javno-privatnom partnerstvu isto kao i amandman 2. poslanika Samira Lemeša, a koji nisu identični, tako da se ne mogu oba prihvatiti, što znači da se u slučaju prihvatanja amandmana 2. poslanika Samira Lemeša mora odbiti odnosno ne prihvatiti amandman 1. poslanika Muniba Husejnagića i obratno-ako bi se prihvatio amandman 1. poslanika Muniba Husejnagića tada bi se morao odbiti odnosno ne prihvatiti amandman 2. poslanika Samira Lemeša.

Molimo vas da navedene amandmane stavite na dnevni red 10. vanredne sjednice Vlade Kantona zakazane za dan 27.06./ponedjeljak/2016. godine u 12,00 sati, te da nam izjašnjenje Vlade Kantona po navedenim amandmanima dostavite do kraja radnog vremena istog dana, kako bi iste mogli blagovremeno iskopirati i podijeliti svim poslanicima Skupštine, sutradan, prije početka navedene sjednice.

S poštovanjem,

PRILOZI: Kao u dopisu

Dostavljeno:

- 1 x Naslovu,
- 1 x Ministarstvo za prostorno uređenje, promet i komunikacije i zaštitu okoline,
- 1 x Svim poslanicima Skupštine/05-03
- 1 x Svim članovima Zakonodavno-pravne komisije/04-01
- 1 x 02,
- 1 x 05-01,
- 1 x U spis predmeta 29. sjednice Skupštine/05-03



02/24.06/16 M 1937
soti

Početna stranica E-pošta

Svi Pretraživanje Pretraživanje pošte Društvo web

Sastavi

Arhiviraj Premjesti Izbrisi Neželjena pošta Osobe

Ulazni pretinac

Fwd:
Munib Husejnagic <munib.husejnagic@hotmail.com> 24. lip u 7:37 poslijepodne
Prima sekretar Skupstine ZDK

Forwarded message
From: "aida husejnagic" <husejnagica@hotmail.com>
Date: Fri, Jun 24, 2016 at 7:32 PM +0200
to: "munib.husejnagic@hotmail.com" <munib.husejnagic@hotmail.com>



Munib H...docx

Odgovori Odgovori svima Proslijedi Još

Kliknite da biste Odgovori, odgovori svima ili proslijedi

Pošalji [Rich text editor icons]

Što vam se ne sviđa na oglasu?

- Nije relevantan
- Ometa me u radu
- Uvredljiv je
- Nešto drugo

Zašto mi se prikazuju oglas? Gotovo

Što vam se ne sviđa na oglasu?

- Nije relevantan
- Ometa me u radu
- Uvredljiv je
- Nešto drugo

Zašto mi se prikazuju oglas? Gotovo

JKUPŠTINA ZENIČKO - DOBOJSKOG KANTONA			
Primljeno: 24.06.2016.			
Org. jed.	Broj	Prilog	Vrijednost
01-02-	11257-2/16		



Munib Husejnagić

Poslanik ispred SDP BiH

P R E D M E T: Amandmani na prijedlog Zakona o javno – privatnom partnerstvu

Na osnovu člana 133 Poslovnika Skupštine ZDK, u zakonskom roku, podnosim sljedeće Amandmane na prijedlog Zakona o javno- privatnom partnerstvu:

AMANDMAN 1

U članu 6. Pod tačkom e) umjesto „ svaki od partnera preuzima odgovornost za rizike kojima može efikasnije upravljati ili je odgovornost podijeljena“ , predlažem sljedeći tekst „ svaki od partnera preuzima odgovornost za rizike kojima može efikasnije upravljati povjerenim poslovima i obavezama iz Ugovora o JPP“

OBRAZLOŽENJE:

Na ovakav način svako od partnera snosi rizik za svoje obaveze i poslove definisane Ugovorom o JPP, dok bi se po dostavljenom prijedlogu ostavila mogućnost zloupotrebe „ podjeljene odgovornosti“ , tamo gdje objektivno ona i ne postoji.

AMANDMAN 2

Predlažem dopunu Člana 16. na način da postojeći tekst „ Idejno rješenje i Idejni projekat se pripremaju u skladu sa zakonom.“ Bude tačka 1. ovog člana a ovom tekstu dodajem sljedeće tačke:

2. Javni partner priprema idejno rješenje i idejni projekat samostalno ili uz pomoć ovlaštene ustanove ili ovlaštene osobe za ovu vrstu poslova u skladu sa zakonom, u zavisnosti od raspoloživih kapaciteta javnog partnera.
3. Izbor ovlaštene ustanove ili ovlaštene osobe za izradu idejnog rješenja i idejnog projekta vrši se na osnovu javnog poziva.
4. Kriteriji i postupak za izbor najpovoljnije ustanove ili ovlaštene osobe propisani su Uredbom iz Člana 11. Stav(7)

OBRAZLOŽENJE:

U prijedlogu Zakona ovaj član 16. je dosta šturo definisan tako da svako na svoj način može tumačiti koji zakon ili propis definiše ko sve može raditi idejna rješenja i idejne projekte ,za određene poslovne aktivnosti koje se ugovaraju po ovom Zakonu.

Ovim Amandmanom 2. Je definisano da javni partner može sa vlastitim kapacitetima uraditi ove dokumente, naravno ukoliko ima u radnom odnosu zakonski ovlaštene osobe za tu vrstu poslova u protivnom da putem javnog poziva izabere ovlaštenu ustanovu ili ovlaštenu osobu za izradu idejnog rješenja i idejnog projekta.

Zenica, 24.06.2016. godine

Poslanik:

Munib Husejnagić